

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U KAKNJU
Broj: 36 0 Su 064796 23 Fin 12
Kakanj, 18.07.2023.godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik Bosne i Hercegovine” broj 39/14 i 59/22) te preporuke Komisije za provođenje postupka javne nabavke iz Zapisnika o pregledu ponuda poslije održavanja ponovljene e-aukcije broj: 36 0 Su 064796 23 Fin 12 od 17.07.2023. godine, u postupku javne nabavke računara i računarske opreme za potrebe Općinskog suda u Kakanju, Predsjednik suda donosi,

ODLUKU o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke i Ugovor za javnu nabavku računara i računarske opreme dodjeljuje se ponuđaču “SOFTKOM S“ D.O.O. PRIJEDOR, adresa: ul.Vožda Karadžića b.b., Prijedor, ponuda broj 113/23 od 01.06.2023. godine kao najpovoljnijem ponuđaču nakon završetka ponovljene e-aukcije za ponuđenu cijenu 10.000,00 KM bez PDV-a (desethiljada KM).

Član 2.

Izabrani ponuđač je dužan u roku od 7 (sedam) dana od dana zaprimanja ove odluke, odnosno obavještenja o rezultatima ovog postupka javne nabavke dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama i novi Obrazac za cijenu ponude koji će da odražava smanjene cijene iz e-aukcije.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici Općinskog suda u Kakanju, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Član 5.

Po pravosnažnosti ove odluke i u skladu sa članom 72. stav (1) Zakona o javnim nabavkama, ugovorni organ će pozvati izabranog ponuđača radi zaključenja ugovora.

Obrazloženje

Postupak javne nabavke računara i računarske opreme pokrenut je Odlukom o pokretanju postupka javne nabavke, broj 36 0 Su 064796 23 Fin 12 od 18.05.2023. godine. Postupak je proveden putem konkurentskog zahtjeva za dostavu ponuda, za koje je objavljeno obavještenje o nabavci broj 5359-7-1-22-3-2/23 od dana 19.05.2023. godine na Portalu javnih nabavki.

Komisija za javne nabavke dostavila je dana 15.06.2023. godine predsjedniku Općinskog suda u Kakanju Zapisnik o pregledu i ocjeni ponuda broj 36 0 Su 064796 23 Fin 12 od 12.06.2023. godine, sačinjen prije održavanja e-aukcije i Zapisnik o pregledu i ocjeni ponuda broj 36 0 Su 064796 23 Fin 12 od 15.06.2023. godine sačinjen poslije održavanja e-aukcije sa preporukom o izboru najpovoljnijeg ponuđača za nabavku roba računara i računarske opreme.

Komisija za javne nabavke je navela da je blagovremeno i pravilno izvršila javno otvaranje, pregled i ocjenu kvalificiranosti prispjelih ponuda u skladu sa kriterijima iz tenderske dokumentacije o čemu je sačinila odgovarajuće zapisnike, te da je ukupno zaprimljeno sedam ponuda i to sljedećim redoslijedom:

Redni broj	PONUĐAČ	SJEDIŠTE
1.	ELUR D.O.O. KISELJAK	Kiseljak
2.	IMTEC D.O.O. SARAJEVO	Sarajevo
3.	PR. MEDIA MARKET PRIJEDOR vlasnik Trbulin Dejan	Prijedor
4.	PR.SMART COMPUTER PRIJEDOR vlasnik Stanar Slaviša	Prijedor
5.	SOFTKOM S D.O.O. PRIJEDOR	Prijedor
6.	PRINTEX D.O.O. SARAJEVO	Sarajevo
7.	EMADO D.O.O. SARAJEVO	Sarajevo

Kopija Zapisnika sa otvaranja ponuda dostavljena je ponuđačima putem e-maila dana 12.06.2023. godine u skladu sa odredbom člana 63. stav (6) Zakona o javnim nabavkama Bosne i Hercegovine.

Nakon izvršenog pregleda i ocjene ponuda, o čemu je komisija sačinila Zapisnik o ocjeni ponuda, zakazana je e-aukcija sa kvalifikovanim ponuđačima u skladu sa Pravilnikom o uslovima i načinu korištenja E-aukcije ("Službeni glasnik Bosne i Hercegovine", broj 66/16) za dan 15.06.2023. godine u 11,00 sati sa predviđenim trajanjem od 10 minuta.

Po okončanju e-aukcije u skladu sa utvrđenim kriterijem „najniža cijena“ komisija je na osnovu izvještaja o toku i završetku e-aukcije konstatovala da je e-aukcija trajala od 11,00 sati do 11:10 sati i konačna rang lista ponuđača koji su učestvovali u E-aukciji je slijedeća:

Redni broj	Naziv ponuđača	Konačna cijena ponude bez PDV-a
1.	IMTEC D.O.O. SARAJEVO	10.177,98 KM
2.	SOFTKOM S D.O.O. PRIJEDOR	10.200,00 KM
3.	P.R.SMART COMPUTER PRIJEDOR	10.600,00 KM
4.	PR. MEDIA MARKET PRIJEDOR	16.100,00 KM
5.	EMADO D.O.O. SARAJEVO	16.300,00 KM
6.	ELUR D.O.O. KISELJAK	17.000,00 KM
7.	PRINTEX D.O.O. SARAJEVO	19.200,00 KM

Imajući u vidu da je kriterij za dodjelu ugovora najniža cijena i da ponuda ponuđača „IMTEC“ d.o.o. Sarajevo, nakon e-aukcije iznosi 10.177,98 KM bez PDV-a, ista je ocijenjena kao najpovoljnija ponuda. Komisija za javne nabavke je dala preporuku predsjedniku suda da donese Odluku o izboru najpovoljnijeg ponuđača i dodijeli ugovor ponuđaču „Imtec“ d.o.o. Sarajevo.

Nakon što je predsjednik suda prihvatio preporuku komisije i donio Odluku o izboru najpovoljnijeg ponuđača i dodijeli ugovora ponuđaču „Imtec“ d.o.o. Sarajevo dana 16.06.2023.godine ista je putem e-maila dostavljena svim ponuđačima sa zapisnikom o pregledu ponuda prije i poslije provedene e-aukcije. Protiv navedene Odluke, Zapisnika o pregledu i ocjeni ponuda, te sprovedenu e-aukciju, ponuđač "IMTEC" d.o.o. Sarajevo je izjavio žalbu broj: 1826/23 od 22.06.2023. godine, koja je zaprimljena direktno putem prijemne kancelarije Ugovornog organa dana 23.06.2023. godine pod brojem: Int-190/2023.

Žalitelj u žalbi navodi da nakon što je dana 19.06.2023.godine izvršio uvid u ponude svih ponuđača, utvrdio je da je ponuđač Elur d.o.o. Kiseljak ponudio opremu koja svojim tehničkim karakteristikama ne zadovoljava zahtjeve koje je Ugovorni organ zahtijevao kroz TD "za robu navedenu u obrascu za cijenu ponude iz Aneksa 2", konkretno da ponuđeni printer „Lexmark MS431dn“ nema podržane print jezike: PCLm, PDF, URF, PWG, nema kvalitetu ispisa 1200x1200 dpi i kao takva ne zadovoljava minimalne tehničke zahtjeve koje je postavio ugovorni organ te je morala biti ocijenjena kao neprihvatljiva i odbačena kao neispravna. Žalitelj dalje u žalbi ističe i to da ponuđač PR Smart Computer nije naveo zahtjevanje podatke u TD Aneks 1-Obrazac za dostavljanje ponude. Ponuđač PR Smart Computer nije naveo ID ponuđača, te samim tim ponuda ponuđača PR Smart Computer formalno pravno nije ispravna, te je kao takva morala biti odbačena kao neispravna.

Ugovorni organ je, cijeneći žalbene navode, dana 28.06.2023.godine donio odluku o djelimičnom usvajanju žalbe kojom je poništena Odluka o izboru najpovoljnijeg ponuđača broj: 36 0 Su 064796 23 Fin 12 od 16.06.2023.godine, poništena e-aukcija održana dana 15.06.2023. godine, te je predmet vraćen Komisiji za javne nabavke na ponovni postupak pregleda i ocjene ponuda. Odluka o djelimičnom usvajanju žalbe je dostavljena putem e-maila svim ponuđačima dana 29.06.2023.godine.

Dana 10.07.2023.godine komisija je sačinila zapisnik o ponovnom pregledu i ocjeni ponuda, te shodno članu 7. Pravilnika o uvjetima i načinu korištenja e-aukcije, tehničkoj podršci Agencije za javne nabavke BiH podnijela zahtjev za ponovno zakazivanje e-aukcije. Iz zapisnika o ponovnom pregledu i ocjeni ponuda od 10.07.2023.godine proizilazi da je komisija u ponovnom pregledu ocjenila da ponuda ponuđača Elur d.o.o. Kiseljak ne ispunjava uslove za kvalifikaciju iz razloga što ponuđeni printer ne sadrži tri jezika pisača i to PCL6, URF i PWG koja su zahtjevana tenderskom dokumentacijom, kao i da kvaliteta ispisa ne odgovara traženoj, te je ponudu ponuđača Elur d.o.o. Kiseljak ocjenjena neprihvatljivom jer ne ispunjava uslove za kvalifikaciju. Ponude ostalih ponuđača su ocjenjene kao kvalifikovane i prihvatljive.

Dana 14.07.2023.godine putem e-maila Agencija za javne nabavke BiH je obavijestila ugovorni organ da je ponovo zakazala termin održavanja e-Aukcije za 17.07.2023.g. u 10:00 za ugovorni organ OPĆINSKI SUD KAKANJ u postupku 5359-7-1-22/23 - Nabavka kompjuterske opreme. Predviđeno vrijeme trajanja ponovo zakazane e-aukcije je 10 minuta.

Po okončanju ponovne e-aukcije u skladu sa utvrđenim kriterijem „najniža cijena“ komisija je na osnovu izveštaja o toku i završetku e-aukcije na zapisniku od 17.07.2023.godine konstatovala da je e-aukcija trajala od 10.00 sati do 10:10 sati i konačna rang lista ponuđača koji su učestvovali u E-aukciji je sljedeća:

Redni broj	Naziv ponuđača	Konačna cijena ponude bez PDV-a
1	SOFTKOM S D.O.O. PRIJEDOR	10.000,00 KM
2	SMART COMPUTER PRIJEDOR	11.000,00 KM
3	PR. MEDIA MARKET PRIJEDOR	21.500,00 KM
4	PRINTEX D.O.O. SARAJEVO	22.025,00 KM
5	IMTEC D.O.O. SARAJEVO	25.084,00 KM
6	EMADO D.O.O. SARAJEVO	26.385,00 KM

Imajući u vidu da je kriterij za dodjelu ugovora najniža cijena i da ponuda ponuđača „SOFTKOM S“ d.o.o. Prijedor, nakon ponovljene e-aukcije iznosi 10.000,00 KM bez PDV-a, ista je ocijenjena kao najpovoljnija ponuda. Komisija za javne nabavke je dala preporuku predsjedniku suda da donese Odluku o izboru najpovoljnijeg ponuđača i dodijeli ugovor ponuđaču „Softkom S“ d.o.o. Prijedor, što je u skladu sa Zakonom o javnim nabavkama, podzakonskim aktima i tenderskom dokumentacijom.


Pri donošenju ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te da nisu utvrđene nepravilnosti ili propusti u radu, koji bi eventualno bili razlog za neprihvatanje preporuke Komisije za javne nabavke.

Uzimajući u obzir da je komisija u cjelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, odlučeno je kao u dipozitivu odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke.

Dostaviti:

1. Imtec d.o.o., prodaja@imtec.ba
2. Softkom S d.o.o., info@softkom.ba
3. Smart computer, smart.prijedor@gmail.com
4. Media market, mediamarket.pd@hotmail.com
5. Emado d.o.o., kontakt@emado.ba
6. Elur d.o.o., info@elur.ba
7. Printex d.o.o., prodaja@printex.ba
8. web
9. a/a



Predsjednik suda

Aladar Zaimović